

Visoki predstavnik upućuje podršku ženama BiH povodom Medjunarodnog dana žena

Povodom Medjunarodnog dana žena, 8. marta, Visoki predstavnik, ambasador Wolfgang Petritsch, upućuje najljepše čestitke i snažnu podršku ženama Bosne i Hercegovine.

Visoki predstavnik podstiče žene da istupe i preuzmu vodeću ulogu u procesu izgradnje mira, te im obećava da će njihova nastojanja naći na podršku OHR-a. Visoki predstavnik uočava važnu ulogu žena u svim aspektima života u Bosni i Hercegovini; od čuvanja porodice na okupu uprkos svim nedaćama, izgradnje međuetničkog povezivanja na lokalnom nivou u citavoj zemlji, do sve većeg zauzimanja pravičnog mjesta u politickom životu kako bi stvorile bolju budućnost za sve građane u BiH.

Visoki predstavnik još jednom potvrđuje opredijeljenost OHR-a za jednakost među polovima i za društvo koje će biti izgrađeno na principima nediskriminacije. Visoki predstavnik naglašava ulogu koju OHR, zajedno sa drugim organizacijama, treba da odigra u promoviranju nediskriminacije pri zapošljavanju na bilo kojoj osnovi, uključujući i pol; u stvaranju zakonodavnog okvira u kojem će nevladine i druge organizacije koje okupljaju žene moći djelovati slobodno bez ikakvih pravnih prepreka; u iskorjenjivanju trgovine bijelim robljem; kao i općenito obezbjeđivanje uslova da se potrebe i interesi žena priznaju i da se rješavaju u domenima u kojima je OHR aktivan.